



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

M5.00

MOELETSI OA BASOTHO


PARARE DOMINO PLEBEM PERFECTAM

**Lesotho li phamola
marang-rang**

5

**Beach Volleyball
e'a ipabola**

12

**BOTSWANA E QAOLLA LESOTHO**www.moeletsioabasotho.co.lsRe se re fumaneha ho
marangrangEmail: newsroom@moeletsioabasotho.co.ls
Tel: +266 28350466/ Whats app: 62600983

MOELETSI

Hatoha mose mosali

Joalokaha re ntse re le kahar'a khoeli ea Mosali oa Moafrika, ke boikarabello ba motho e mong le mong. Re rata sena se entsoeng ke Lekala la Mesebetsi e Mehlo ea Sechaba le Lipalangoang le Lefapha la Boipaballo Mebileng ka ho ruta basali hore ba tsebe likoli tsa bona. 'Me ba ntse ba hlaleloa ka malebela a ho tseba ho hlaloba likoloi tsa bona pele motho a kena leetong, e le ho qoba likotsi le ho baka mafu a mangata ho sa hlokahale.

Ba filoe litsebo tsa mantlha mabapi le likoloi tsa bona, tlhokomelo, le mehato eo ba lokelang ho e nka ha ba hlaleloa ke mathata kapa maemo a tšohanyetso ba ntse ba qhoba. Litsebo tsena li tl'o ba thusa ho tseba le ho lemoha liphetoho tse sa tloaelehang ha li etsahala, 'me ba nke khato e nepahetseng ea ho thibela kotsi pele e etsahala.

Thuto ena eo ba e filoeng e tla ke e fokotse tahlehelo e bophelo ba batho bo amehang likotsing tsa mebileng. E se e ka thuto ena e ka anale Lesotho lena kaofela hoa rutoa basali ka ho tseba likoloi tsa bona, e se ke ea eba khoeling ena ea Mosali oa Moafrika feela. Tlohelang ho phutha matso le tsohe le iketsetse basali. Nkang maeto a bolokehileng, etsoe ho ipaballa ho molemo ho feta setlhare. Halala basali halala!!

Moetapele ke motho ea mamelang, ea nang le boitšoarobottle, ea nang le seriti, ea nang le hlomphe esita le pono ea ho isa sechaba botleng ka mesebetsi e metle. Ea tiisetang mathata le ho fana ka tharollo le mohlala o motle, tsena tsohle a li etsa a sa qobelloe. A bontša tsela e nepahetseng e isang katlehong

Ea etsang liqeto tse hantle, ea nkang boikaraabello, 'me ea sa nyahameng pelo ha ho le thata, ea bileng a tsebang ho hlokomela sechaba seo a se alositseng, le ho se thusa hore se atlehe mererong eohle ea sona. Ea bopang bonngoe le likamono tse mofuthu le sechaba.

Joale hona joale ho etshalang, haele moo DCEO e bolela hore lona baetapele ba rona ha le ikobele molao oa ho phatlalatsa maruo a lona tjee? Litho tsa Ntlo ea Bakhethoa le ba Ntlo ea Mohasana? Hoo ho bolelang ho rona re le sechaba, re tla qopitsa lintle lifeng ho lona haele moo le etsa litaba tse etsang hore re ipotse lipotso tse ngata tse sa feleng? Haholo hobane ke litaba tsa khale tsena. Na ke hantle ha DCEO e nka likhato tsa molao, na matlotlo a lona le mokhoa oa bophelo ba lona li lumellana le chelete eo le e fumanang? Litaba tsena li etsa hore re lale litlhokonyane, hobane re ipotsa na bothata ba eng? Re tseba baetapele ba 'nete ba lula ba ithuta kamehla.


Re le Naha ea Lesotho e bileng e ipusang, e nang le mobu le metsi, ruri ha ho hlokahale hore e be bakakachala e ntse e le taba eo re lulang re bua ka eona. Phepo e napahetseng e lokela ho anela bohle, haholo ha re na le libelisuoa, hoa rona ke hore feela re kenyeng peo mobung.

Taba eana ea mefuta e meraro ea lijo e feletseo ke nako, re se re tlameha ho bua ka mefuta e le 10 ea lijo. Ha re sebeliseng letlotlo la rona leo re le filoeng ke Morena Molimo re jeng litsao mobung, ho fapana le ho ja tsena tseo re sa tsebang na ke tsa nako e kae li behiloe moo. 'Me tsohle tseo re ka itlhalisetsa tsona li ka re bolokela nako le chelete, haholo ha re na le matsoho a ho eketsetsa.

Setsoalle sa 'nete se bonahala ka mesebetsi, e seng ka lipuo feela. Sena se entsoeng ke Naha ea Botswana ho Naha ea Lesotho, ke molaetsa oa hore ehlile ke linaha tsenang le setsoalle sa 'nete. Re leboga ka ho feletseng ka ho inola naha kahar'a maqabetsi ana a lefu la tlhako le molomo le neng le hlasetse naha ea Lesotho, haele mona lihoai tsa liphooogolo li tla fumana liente tsa thibelo. Basotho ba bangata ba itšetlehile ka leruo la liphoofole ho phelisa malapa a bona kahohle-hohle, 'me ha litaba li se li le tjena tlhathe e tl'o lelekisa tsebe. Ha li sebelisoe ka nepo ho se khetholo ea letho ho lihoai.

MOLIMO A BOLOKE LESOTHO LE BASOTHO

Moleboheng e fetola bophelo



Tseliso Thakholi

Litlhophiso li se li hatetse pele haholo bakeng sa ho tla khakola ka molao lekhetlo la pele, buka e ncha ea Sesotho e bitsoang Moleboheng e tšoereng thuto e matla haholo, e tlii'o fetola bophelo ba bacha le sechaba sa Basotho ka kakaretso. Tšebeletso ena e tlii'o tšoareloa BEDCO, Hlotse, ka la 29 Phato monongoaha.

Ho ea ka sengoli sa buka ena ebile e kile ea eba tichere, Monghali Kabelo Madona o re ke lekhetlo la hae la pele a ngola buka, 'me e nkile nako e telele haholo a ntse a e phehile e le hore a tle a tšolele Basotho masutsa. O re 'moko-tabo o

fuperoeng ke Moleboheng ke tlhokomeliso le khalemo, haholo-holo ho bacha ba banana hore le ha ba kaba batle le ho holisoa hantle ke batsoali, ba ele hloko hore botle ba bona bo se ke ba silafatsa bophelo boo Morena Molimo a ba fileng bona.

"Moleboheng e hlokomelisa bacha ho ela hloko lintho tse kotsi tse ka behang bophelo ba bona tlokotsing kapa hona ho ba senyetsa bona." O boletse joalo a bile a eketsa ka hore molaetsa o fuperoeng ke Moleboheng o boetse o khalema batsoali ba bana ka matla a maholo, "ho ba kahar'a buka ka mona ho ntse ho fumaneha hore hoja e se ka 'm'a Moleboheng a kabe a sa tsamaea ho ea Eastern Cape ho ea itšenyetsa bophelo."

A bontša hore Molebo-

heng e fetoha tlhokomeliso ho batsoali hore ba ke ba tlhelle ho sheba mejo ka ho fetola bana ba banana libelisuoa tsa bona, 'me tseo qetellong bophelo ba bona bo ka senyehang. A supa hore e boetse ke tlhokomeliso ho batsoali ho etsa tšalo morao ka bophelo ba ngoana haholo h'a tsamaea ho ea batla mesebetsi linaheng tse ling.

"O le motsoali 'netefatsa hore e fela ngoana a ea sebakeng seo a se boletseng moo bophelo ba hae bo sireletsehile." Ke Madona eo a bile a supa hore e tliša keellong ea batsoali hore ba lokela ho hlokomela bana, empa haholo-holo oa ngoana oa ngoanana, kaha e le bona ba bonahalang ba le tlokotsing e kholo ea bophelo matsatsing ana.

H'a tsoelapele ho lokolisa bohlokoa ba Moleboheng o itse kantle le ho fana ka boeletsi le likhalemo, e tlii'o thusa haholo sechaba sa Basotho ho etsa sekoele! Kaha e fupere maele le maelana a Sesotho a seng a sa sebelisoe haholo mehleng ea kajeno. "Ke batla ho khutlisetsa sechaba sena sa habo rona puong ea sona e mathe maloli. Se tsebe ka ona e le hore re tle re 'ne re a sebelise ka nepo kaha ho bonahala a ntse a fela hoba le batsoali ba bang ha ba sa a tseba." A rialo. A qetella ka hore buka ena eo e leng lekhatlo la eona la pele e hatisoa Mazenod, e se e ntse e fumaneha ho eena le mabenkeleng a libuka.

DCEO e sisinya maparamente

Nthabeleng Seitlheko

Setsi sa Toantšo ea Bobolu le Bomene-mene (DCEO) se file litho tsa Paramente le Ntlo ea Mahosana tse e-s'o phatlalatse matlotlo a tsona matsatsi a 14 ho tloha ka la 18 Phato hore li ikobele molao, e hlalosa hore ho hloleha ho etsa joalo ho ka lebisu ho nkoloeng mehato ea molao.

Raliphatlatso oa DCEO, Matlhokomelo Senoko, ka la 18 Phato monongoaha, o itse ba hlolehang ho phatlalatse matlotlo nakong e behileng ba ka lefisoa ho fihlela

ho M20,000.00, ba ahloleloa ho hlola chankaneng nako e fetang lilemo tse hlano, kapa likotlo tsena ka bobeli ha ba fumanoe ba le molato.

O boletse hore Masenate a 9 le litho tse 72 tsa Paramente ha li e-s'o ikobele taba ea ho phatlalatse matlotlo ho hang. Senoko o boetse a lemosa hore ho phatlalatse matlotlo, empa motho a sa fane ka lintlha tse felletseng ka thepa eohle ea hae ho ka ba le litlamorao tse mpe tsa molao.

O itse haeba lipatlisiso tsa DCEO li ka fumana matlotlo a sa kang a phatlalatsoa, DCEO e ka nka mehato ea ho a fumana hape ho late-la molao. O hlalositse hore DCEO ha e itšetlehe feela

ka litaba tse fanoeng ke batho liphatlatlatsong tsa bona tsa matlotlo. E boetse e netefatsa litaba tseo ka lipatlisiso, hammoho le ho etsa 'lifestyle audit', e leng tlhahlobo e shebang hore na matlotlo le mokhoa oa bophelo oa motho li lumellana le chelete eo a tsejoang a e fumana le lithahasello tsa hae.

Leha ho le joalo, Senoko o itse a ke ke a hlalosa mekhoe e tebileng eo DCEO e e sebelisang lipatlisong ka mabaka a tšireletso.

Phatlalatso ea matlotlo e etsoa ho latela molao oa taolo ea bobolu le tšireletso ea litaba tsa moruo (PCEO) Regulations of 2021.

Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLENG (LUKE 1:17)

EMAIL: editor@moeletsiobasotho.co.ls

sub-editor@moeletsiobasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

Tseliso Thakholi

Production Desk: 'Mateele Liqa

57 665 038/ 68 216 271

58 540 853/ 63 480 404



Tsebiso

PHATLATATSO EA LETSATSI LA MAPOMELO LA NGOLISO EA THEPA E AMEHILENG
SEBAKENG SA BOLIBA MOKHAHLELONG OA BOBELI OA MORERO OA METSI A LIHLABA
TSA LESOTHO

1. Selelekela

Ka tsebiso ena, Morero oa Metsi a Lihlaba tsa Lesotho (LHDA) o tiisa le ho etsa phatlalatso ea letsatsi la mapomelo la ngoliso ea thepa ho malapa a anngoeng ke phalliso sebakeng sa kameho ea Boliba ba Letamo la Polihali Mokhahlelong oa Bobeli oa Morero oa Metsi a Lihlaba tsa Lesotho. Letsatsi la Mapomelo le phatlalatsoa ho latela leano la Matséliso la Mokhahlelo oa Bobeli oa Morero (Tokomane ea Phupu 2022).

2. Letsatsi la Mapomelo le Sebaka sa Tšebetso

Letsatsi la Mapomelo la ngoliso ea thepa e amehileng le tla ba ka matsatsi a latelang ho Malapa ao e leng karalo ea phalliso metseng e latelang:

1. La 21 Phato 2026 metseng e latelang:

- Ha Jobere (Lekhotleng la Puso ea Libaka la Seate)
- Kheseng le Tsekong (Lekhotleng Puso ea Libaka la Mphokojoane)

2. La 04 Loetse 2026 metseng e latelang:

- Koung Ha Phohla le Sekokong (Lekhotleng Puso ea Libaka la Mphokojoane)
- Ha Sekantši (Lekhotleng la Puso ea Libaka la Menoaneng)

3. Phethahatso

Phatlalatso ea Letsatsi la Mapomelo la thepa e emahileng e ipapisitse le ngoliso ea thepa eohle ea lelapa ka leng sebakeng sa kameho ea Boliba ba Letamo la Polihali, joalo ka; Masimo, Lifate, Litša tsa bolulo, meaho (matlo a bolulo, a khoebo, le meaho e meng) 'moho le lithepa tse ling tsa lelapa. Ngoliso ea thepa e entsoe ke Morero 'moho le beng ba thepa, boemeli ba Sechaba le boeta-pele ba Sechaba. Ngoliso ea thepa e kenyeletse lifoto tsa thepa le litokomane tsa boitsebiso le bopaki ba thepa ka mangolo ke Marena. Ngoliso ea beng ba thepa e amehileng e se e phethetsoe, ele ho hloaea malapa a lokeloang ke matšelisano le phalliso.

Phalliso sebakeng sa kameho ea Boliba ba Letamo la Polihali e tla qala haufi, ka hona taba ena e hloka phatlalatso ea Letsatsi la Mapomelo la Ngoliso ea Thepa molemong oa thepa e lokeloang ke matšelisano le phalliso. Letsatsi la Mapomela la Ngoliso ea Thepa le phuthetse tse latelang;

a. Meaho (meaho ea bolulo, khoebo, le e meng) e ngolisitsoeng le ho netefatsoa nakong ea ngoliso ea thepa lilemong tsa 2018 ho isa 2020;

b. Meaho e ngolisitsoeng e leng ea phetheloa pele, kapa ka Letsatsi la mapomelo la ngoliso ea thepa metseng e hlalositsoeng karolong ea bobeli (2) ka holimo;

c. Liphetoho meahong e ngolisitsoeng le ho netefatsoa ka morao ho ngoliso ea thepa lilemong tsa 2018 ho isa 2020; le

d. Meaho e mecha e ahiloeng pele ho Letsatsi la mapomelo la ngoliso ea thepa metseng e hlalositsoeng karolong ea bobeli (2) ka holimo.

Khetho ea Matšelisano (mohlala, matlo a phalliso a ahiloeng ke Morero kapa mong'a thepa; moo ho se nang matšelisano kapa phalliso hobane mong'a thepa a itsoella-pele ho sebelisa thepa ea hae) e tla lumellanoa le lelapa ka leng le amehileng.

TLHOKOMELISO:

Meaho e mecha e tla ahoa ka morao ho letsatsi la mapomelo metseng e hlalositsoeng karolong ea bobeli (2) ka holimo ha ena ho kenyeletsoa tokelong ea phalliso kapa ea matšelisano. Ka mokhoa o tšoanang, ho tsoela-pele ho qetelisa moaho ka morao ho letsatsi la mapomelo la ngoliso ea thepa metseng e hlalositsoeng karolong ea bobeli (2) ka holimo, ha hona ho kenyeletsoa tokelong ea phalliso kapa ea matšelisano.

Batho bao masimo a bona a ngolisitsoeng sebakeng sa kameho ea Boliba ba Letamo la Polihali, empa a tla ameha nakong ea ho bokella metsi a letamo, ba ka itsoella-pele ho sebelisa masimo a joalo ho fihlela tsebiso ea ho emisa e fanoe ke Morero oa Metsi a Lihlaba tsa Lesotho le matšelisano a lefiloe.

4. Tlhakisetso malebana le molaetsa ona

Ho fumana tlhakisetso malebana le molaetsa ona, o ka letsetsa Ofisi ea Likamano tsa Sechaba le Morero Ofising ea Morero oa Metsi a Lihlaba tsa Lesotho, Polihali, Mokhotlong ho (+266) 2224 6300 kapa oa romela molaetsa ka marang-rang ho mohlotsanep@lhda.org.ls kapa masihlehol@lhda.org.ls

Tsebiso ka Ofisi ea Likamano le Sechaba ea Ofisi ea Morero oa Metsi a Lihlaba tsa Lesotho - LHDA

MOELETSI O TŠEHETSA BACHA

Tšeliso Thakholi

Ho latela maemo a teng hajoale a tlhokahalo e phahameng haholo ea mesebetsi kahare ho bacha, Naha ea Lesotho ha e hloke likhoebo tsa lijo tse tsoang kantle feela. Empa e hloka le bacha ba kang ausi 'Masello Pitso (22) oa Hlotse seterekeng sa Leribe, eo e leng mothehi oa khoebo e nyenyane e bitsoang Hot Chips Lounge 'Ha ke u rata, ke u fa makoena lelichips', e reki-sang makoena le mefuta ea lichips tse nang le tatso e lutlisang mathe. Khoebo ena e thehiloe mathoasong a Pherekhong ngoahola. Empa e ka re khaele e le teng ho latela ka moo batho ba e ratang ka teng, ka lebaka la makhethe, kamo-helo e mofuthu le lijo tse monate.

MORERO OA HAE

Ha ke qeta ho phethela lithuto tsa ka tsa mosebetsi oa matsoho ngoahola, morero oa ka e ne e le ho ea lokisa batho moriri le ho kenya manala, empa e itse ha ke hlokomela hore khoebo ea makoena le 'lichips' nka tseba ho iphelisa ka eona, kaha e sa ntse e le 'na ea phehang mefuta e fapakaneng ea lichips ke ha ke tla e qala.

SETHATHONG

Sethathong ke ne ke sena chelete e ngata ea ho qala, empa ke ne ke utloa ke le sebete sa ho qala ka eo ke neng ke ena le eona e leng M10,000.00. Ke qalile ke sebetsa le bacha ba robeli empa ba babeli ba itokolla ka mabaka a fapakaneng a bophelo. Re setse re tšeletse feela hajoale, 'me khoebo e ntse e sebetsa hantle, kaha re etsa mefuta e fapakaneng ea 'lichips', ho latela ka moo moreki a batlang ka teng. Monate oa mofuta ona oa khoebo ke hore thepa e kang litapole li fumaneha habobebe, ha e sokolise haholo joaloka mefuta e meng ea likhoebo. Ho fihlela hajoale khoebo e bona-hala e ntse e hola hantle.

LERATO LA KHOEBO

Lerato la khoebo ke le

tšoaletsoe ke 'm'e oa ka ho ba ha ke ntse ke le se-kolong ke ne ke atisa ho mo thusa ho rekisa mero-ho le litholoana ka 'marak-eng. A qetella a se a rekisa lijo le ho fihlela kajeno. Ha ke tla rata khoebo ena ea lijo, ka letsatsi le leng ha ke ntse ke mo thusa ho reki-sa ka 'marakeng, bo-ntate ba bang ba reka lijo tsa M2,000.00. Ha ke qeta ho phethela lithuto tsa ka, ka bolella 'm'e oa ka hore le 'na ke batla ho qala khoebo ea lijo feela e sa tšoaneng le ea hae.

O ile a ananela kopo ea ka 'me a ntataisa ka litaba tsa khoebo, kaha a ena le lengolo la lithuto e pha-

hameng la khoebo. Ka qala ho ea lithupelong pele tsa ho tseba ka khoebo. Hang ha ke qeta a mpha tšehet-so ea chelete e kaalo ka M10,000.00 ho qala khoe-bo ea 'lichips' le makoena. Ka nka bacha ba bahlano ba nang le litsebo tse fapa-kaneng ra sebetsa 'moho.

Tšehetso eo batsoali ba rona ba re bontšang eona ke e hlollang. Joale e boe-tse e totisa lerato leo ke seng ke ntse ke ena le lona la khoebo ena. Re ikotla sefuba ka ho ba le batsoali ba mofuta ona.

MEFUTA EA 'CHIPS'

Re na le mefuta e mera-ro ea 'lichips' tse lutlisang mathe. Mofuta oa pele ke 'Chassic crispy' e leng tse-na tse sehiloeng hasesane ka makhethe, tseo re ka li-jelellang

le ka makoena kapa bohobe bo monate ba maqebekoane. ke tsona tseo bacha ba li-ratang haholo ka makoena hobane li monate e bile li bonojoana. Mofuta oa

bobeli ke 'Wedges chips' e leng tsena tse kholo tse sekhaoloang ka likotoana tse kholo tse tšeletseng ho isa ho tse robeli. Liratoa haholo ke batho ba baholo le basebetsi ho ba lia khori-sa.

Mofuta oa ho qetela o bitsoa 'Twisted chips' ke tsena tse sehiloeng seka selika-likoe ha li qeta tsa kojoa bohareng ba tsona. 'Lichips' re li etsa hore li be monate ka hore li be le tat-so. Re boetse re pheha me-futa e ikhethang eo bare-ki ba e

tla tla le mofuta oa nama eo a e ratang ebe re mo etsetsa seo a se batlang ka makhethe a maholo.

BOHLOKOA BA KHOEBO

Khoebo e bohlokoa haholo hobane e thusa bacha ho itlhahisetsa mesebet-si ka litsebo tseo ba nang le tsona. E thusa motho ho tseba ho boloka le ho sebelisa chelete hantle. Bohlokoa bo bong ba eona ke hore mong'a eona o fe-toha mohiri le mookameli oa eona ka nako e 'ngoe.

MOLAETSA HO BACHA

Qala khoebo ka lintho tse 'nya-ne

pele, se ke oa tatela ho qala ka lintho tse kholo. Qala ka ho rekisa le ha e le lipompong tsa M1.00 kapa eona kopi ea metsi. Eba le lerato la khoebo ea hao. Hao qeta ho phethela lithuto tsa hao se ke oa emela ho hiroa, iqalle khoebo ka sohle seo o nang le sona.





Lesotho le phamolela marang-rang holimo

Nthabeleng Seitlheko

Ka sepheo sa ho ntšetsa pele marang-rang a AI, 'Muso ka Leka-la la Mahlale le Tšebeliso ea ona, o bile le thupelo ea matsatsi a mahlano ka ho hlahleloa ka malebela ho qala ka la 17 Phato monongoaha.

Motlatsi oa Tona-Kholo Justice Nthomeng Majara, o thoholelitse mosebetsi ona, ka ho etella pele leeto la naha la marang-rang molemong oa 'muso, a re thupelo ena ea ho aha bokhoni ke mosebetsi oa naha o ama bohle, o reretsoeng ho thusa Lesotho.

O itse ho tliša litsebi tse tsoang linaheng tse kang Senegal ka tšebetso ea Machaba a Kopaneng (UN), ho tla thusa Lesotho ho utloisisa melemo le mathata a leeto la marang-rang ho latela tšebeliso ea ona le moruo, e le hore ho etsoe liqeto tse molemo molemong oa Basotho.

Majara o itse sena sohle se lokela ho etsoa ka hloko, ho shejoa likotsi tse amanang le marang-rang a sejoale-joale. O boetse a re AI e se e le karolo ea meralo ea sejoale-joale e ka thusang ho fihlela kholo ea moruo, a totobatsa bohlokoa ba thupelo ena ho netefatsa hore setsi sa lintlha se fetoha letsete le molemo bakeng sa Lesotho.

O bile o khothalelitse hore liqeto li etsoe ho ipapisitsoe le liphephetso le katleho tseo litsebi li tla li arolelana, hammoho le kut-

loisiso ea maano, bopaki, likotsi le litšenyehelo. O itse ho bohlokoa ho ela hloko litaba tsa metsi, tikoloho, botsitso, litsebo, phetisetso ea marang-rang le litlhoko tsa motlakase, e le hore liqeto tse tla nkuoa li tsoele Basotho molemo.

Letona la Mahlale le Tšebeliso ea ona, Mohlomphehi Nthati Moorosi, o itse leano la AI le beha moralo o thehiloeng melaong ea boitšoarō le litokelong tsa Mantlha tsa Botho. A re moralo oa setsi sa lintlha o tla akaretisa likarolo tsa mahlale, tikoloho, tsamaiso ea litsi le lichelete bakeng sa setsi sa naha sa lintlha.

O lebohile tšebetso eo Lesotho le e fumanang ho UN, a re o nka thupelo ena e le monyetla oa bohlokoa oa ho etsa liqeto le ho itlama ho aha meralo ea AI e tla thusa ntšetsopele ea naha.

Ho sa le joalo, lebitsong la Letona la Lita-ba tsa Machabang, Mohlomphehi Richard Ramoetsi, o itse thupelo ena ea ho aha bokhoni e tsamaellana le Sepheo sa Ntlatfatso e Tsoelang Pele (SDG) sa bo17, se khothalletsang ntšetsopele ea marang-rang e kenyeletsang bohle.

O itse leano la naha la AI le moralo oa setsi sa lintlha li tla thusa ho hokahanya litaba tsa phepele ea motlakase, tikoloho, thuto le leano la litaba tsa kante ho naha molemong oa ntšetsopele e kopanetsoeng ea naha.

Ka lehlakoreng le leng, Mohokahanyi oa

UN Lesotho, Taija Continen-Sharp, o itse ha lipuisano ka marang-rang li qala litaba tsa AI le litsi li bohareng ba ntšetsopele.

O tiisitse boitlamo ba UN ba ho tšehet-sa Lesotho hore mosebetsi ona o atlehe.

O boetse a re AI e thusa ho ntšetsapele moruo o tsitsit-seng le ho theha menyetla ea mosebetsi, a totobatsa bohlokoa ba thupelo ena.

LESOTHO CATHOLIC BISHOPS' CONFERENCE
CATHOLIC SCHOOLS' SECRETARIAT
Office of the Educational Secretary
P.O. Box 80, Maseru 100, Cell: 5840 0255. E-mail :bmossuo@lcbc.org.ls
Lesotho, Southern Africa

ADVERTISEMENT FOR VACANCY IN CATHOLIC SCHOOLS' SECRETARIAT
Applications are invited from suitably qualified candidates for the following position tenable in the Teaching Service in Catholic Schools Secretariat.

JOB TITLE	:	ASSISTANT EDUCATIONAL SECRETARY
NO. OF POSITION	:	1
DEPARTMENT	:	CATHOLIC SCHOOLS' SECRETARIAT
NATURE OF CONTRACT:	:	PERMANENT
RESPONSIBLE TO	:	EDUCATIONAL SECRETARY

1. JOB DESCRIPTION:

- Co-ordinates, directs and oversees the activities of the Administration;
- Supervises the performance of Catholic Schools' Secretariat staff and school personnel;
- Assists with the directing and coordinating the dissemination and implementation of the policies of the Proprietor, the Government and Catholic Schools' Secretariat;
- Sees to it that clients/teachers are served efficiently and that essential office and support services are offered;
- Has authority over records/documents regarding schools and other institutions that deal with Catholic Schools' Secretariat, establishment lists, lists of applications and vacancies, and authorizes procurement of necessary material and equipment for the Catholic Schools' Secretariat.

2. KEY DUTIES AND RESPONSIBILITIES:

- Participates and advises in the formulation of policies;
- As requested and delegated by the Educational Secretary attends Proprietor's and Ministry of Education and Training meetings for policy formulation;
- Initiates and recommends policies and policy actions to the Educational Secretary;
- Participates in the study and interpretation of Proprietors' and Government policies
- Sees to it that regular meetings of the staff are convened;
- Assist in the preparation of reports for the Proprietor;
- Directs and controls the creation of infrastructures for the implementation of the policies of the Proprietor and Ministry of Education and Training;
- Establishes the necessary Catholic Schools' Secretariat operational committees and calls their meetings;
- Oversees and co-ordinates the activities of the CSS staff in the Administration;
- Develops action programmes for the CSS, ensures their implementation and evaluation;
- Evaluates staff performance and sends evaluations to the Educational Secretary for review;
- Conducts day-to-day routine checks on staff activities in Administration;
- Deputizes the Educational Secretary as and when requested.

3. KEY COMPETENCES AND SKILLS

- Leadership, vision and management skills.
- Strategic planning and organisational skills.
- Interpersonal and communication skills.
- Information management skills.
- Mental alertness, emotional maturity and stability.

4. QUALIFICATIONS

- B.Ed (Secondary) + 10 years teaching experience.

5. ADDED ADVANTAGE

- At least 2 or 3 years in school administration and leadership position.

6. SUBMISSION OF APPLICATIONS

Applications, including certified copies of relevant qualifications, two reference letters and copy of IDs, must reach Catholic School Secretariat on or before 21st September 2026.

Bokakachelana e ntse e le qholotso

Nthabeleng Seithleko

Ele ho khothaletsa bophelo bo botle sechabeng, Setsi sa Mehloli sa Maqhaka se tšoara koetliso ea mabapi le phepo e tlatset-sang ho anyeseng, ka la 19 Phato monongoaha. Koetliso ena e tla fuoa lihlopha tse peli tsa phepo e leng Bohlokoa Motšene Nutrition Club le Botšabe-

lo ba Rona Nutrition Club, tse sebakeng sa Makola. Ho ea ka mohlanka oa setsebi oa phepo (ATO) Setsing sa Mehloli sa Maqhaka, Mahlompho Sheane, o itse khaello ea phepo e nepahetseng le ho se hole hantle ha bana e ntse e le phephetso e kholo. A re sepheo sa mantlha sa koetliso ke ho ruta le ho khothaletsa bohlokoa ba ho anyesa hammoho, le ho fa bana lijo tse tlatset-sang kamor'a ho fihla lik-

hoeling tse tšeletseng. Sheane o itse koetliso e tla boela e thusa lihlopha tsa phepo ho fumana tsebo ea ho netefatsa khole ntšetsopele e nepahetseng ea bana ka ho ba fa lijo tse matlafatsang tse tlatset-sang lebeke la 'm'e. O hatelletse hore batsoetse le litho tsa lihlopha tsa phepo ba lokela ho tseba nako e nepahetseng ea ho qala ho fa masea lijo tse bonolo kapa tse tiileng, e leng ho tloha likhoeling tse

tšeletseng ho isa ho tse 23. O boetse a totobatsa bohlokoa ba ho ruta lihlopha mokhoa o nepahetseng oa ho pheha le ho lokisa lijo tsena, ntle le ho senya limatlafatsi tse teng ho tsona. Sheane o itse nakong e fetileng ho ne ho buuoahaholo ka lihlopha tse tharo tsa lijo, empa lekhetlong lena ba tla tšohla lihlopha tse 10 tsa lijo tse ka lokisetsoang bana. Har'a litaba tse ling tse

tla tšohloa ke bohloeki, haholo-holo bohloeki ba tikoloho eo bana ba ho-lisetsoang ho eona. O itse tebello ke hore kamor'a koetliso, lihlopha tsa phepo li tla fetisetstsebo eo ho bo-'m'e ba anyesang ba seng litho tsa lihlopha tsa phepo metseng ea bona. Setsi sa Mehloli sa Maqhaka se sebetsang 'moho le Lekala la Temo, Tšireletso ea Lijo le Phepo, 'me se sebakeng sa Ha Majara, Berea.

Botenya bo kotsi bacheng-Daemane

Nthabeleng Seithleko

Moloko o monyenyanane o tobane le mathata a ntseng a eketseha a khaello ea phepo e nepahetseng, phepo e sa nepahalang le khaello ea limatlafatsi tse nyenyane, e leng se etsang hore bothata ba bona e be boame le moruo oa naha. Sena se boletsoe ke Dr. 'Mamotho Mammo Daemane, Ofisiri le Mohokahanyi oa Lijo le Phepo e Nepahetseng Ofising ea Tona-kholo, ha bula ka molao thupelo ea matsatsi a mabeli e shebaneng le tlhahlobo ea boemo ba botenya le boima bo feteletsang baneng ka la 17 Phato monongoaha. Thupelo ena e reretsoe ho matlafatsa bopaki bo ka sebelisoang ho ntlafatsa phepo ea bana Lesotho, ho lekola boholo ba bothata ba boima bo feteletseng le botenya, hammoho le mabaka a

bo bakang le a susumetsang bana ho ja lijo tse phetseng hantle. Dr. Daemane o itse maemo a phepo ea sechaba a ntse a fetoha, ka hona Lesotho le lokela ho sebetsana le moralo o ntseng o eketseha oa phepo e saleka-lekanang, haholo-holo kotsi ea boima bo feteletseng le botenya baneng. O itse thupelo ena e fana ka monyetla oa ho sheba taba ena ka bophara, eseng feela ho shebana le mehato e lebisitsoeng ho motho ka mong, empa le ho utloisisa lintlha tsa mantlha tse amang bothata bona kahare ho naha. O totobalitse bohlokoa ba ho tseba lintlha tse kahar'a litsamaiso tsa lijo, bophelo bo botle le thuto tse hlokanang tlhokomelo e kholo, haholo-holo likolong. Dr. Daemane o boetse a khothaletsa tšebeliso-'moho har'a mafapha le mekhatlo e fapakaneng, a re taba ena ha ea lokela ho nkoa e le boikarabello ba Ofisi

ea Mohokahanyi oa Lijo le Phepo e Nepahetseng feela. O kopile bankakarolo ho botsa le ho hlahloba bopaki bo teng, ho arolelana boiphihlelo le ho hlahisa litharollo tse ka thusang ho hlola mathata ana. Ho sa le joalo, Dr. Muthusi Nyofane oa Mantsope Institute, ha a hlahisa likheo tse teng tabeng ea boima bo feteletseng le botenya baneng, o itse Lesotho ha le na litataiso tse lekaneng tsa lijo le maano a sebetsang ka kotloloho ho fokotsa tšebeliso ea lijo tse sa pheleng hantle. Dr. Nyofane o itse sekhahla sa keketseho ea boima bo feteletseng le botenya, se nyolohile ka ho feta karolo ea 1.1% lekholong selemo le selemo pakeng tsa 2000 le 2022. O totobalitse tlhokahalo ea ho matlafatsa maano a kang leano le moralo oa naha oa lijo le phepo, tse shebaneng le moralo o habeli oa phepo e sa leka-lekanang, phetoho

ea boitšoarole ho kenya sechaba letsoho. O itse Quthing e na le sekhahla se phahameng sa basali ba nang le boima bo feteletseng, se hakanyetsoang ho lipere-sente tse 3%. Bana ba lilimo li hlano ho isa ho tse 19 ke ba bang ba lihlopha tse kotsing, haholo-holo

banana. Phuputso ena e entsoe likolong tse 126 tse neng li reriloe ho kenyeletsoa, moo likolo tse 124 li ileng tsa atleha ho botsoa lipotso. Bana ba 802 ba tsoang literekeng tse peli ba ile ba kenella phuput-song ena, e neng e shebane le litaba tse kang phepo, lijo tse phetseng hantle le litšebeliso tsa phepo.

ESTATE NOTICE

Notice is hereby given in terms of section 61(b) of the Administration of Estates and Inheritance Act No.2 of 2024; **Estate Late 'MATHABISO 'MAMOKETE PHEKO EE304/2026** Notice is hereby given in terms of section 61(b) of the Administration of Estates and Inheritance Act No.2 of 2024; calling upon all creditors of the deceased to lodge their claims with the administration of the deceased's estate within thirty (30) days of this publication. The address at which the said claims can be lodged is mentioned hereunder; NAME: LETHALE ABIEL PHEKO ADDRESS: MOTSE-MOCHA MAFETENG (+266) 57027351

ESTATE NOTICE

Notice is hereby given in terms of section 61(b) of the Administration of Estates and Inheritance Act No.2 of 2024; **Estate Late ADRLINA 'MALITŠOANELO TERAI EE320/2026** Notice is hereby given in terms of section 61(b) of the Administration of Estates and Inheritance Act No.2 of 2024; calling upon all creditors of the deceased to lodge their claims with the administration of the deceased's estate within thirty (30) days of this publication. The address at which the said claims can be lodged is mentioned hereunder; NAME: SELLO MICHAEL TERAI ADDRESS: PABALLONG MAFETENG (+266) 62020478



HELP NNETE HEAL

Let's extend a helping hand

A re otlolleng letsoho la thuso

WhatsApp & Phone:
+266 58661075

Email:
info@helpnneteheal.org.ls

Website:
www.helpnneteheal.org.ls

Please verify all fundraising initiatives and use only the campaign's approved donation channels.

Botswana e qaolla Lesotho

Nthabeleng Seithleko

Botswana e nehelane ka liente tse 100 000 tsa lefu la tlhaku le molo-mo (FMD) ho Lesotho, e le karolo ea boiteko ba ho thusa naha ho loantša lefu lena le tšoaetsanoang le amang liphoofole le ho sireletsa bophelo ba lihoai bo itšetlehileng ka leruo la liphoofole.

Liente tsena tse entsoeng ke Botswana Vaccine Institute (BVI), li nehelano ka molao Maseru ka la 19 Phato monongoaha, moketeng oo ho neng ho le teng Tona-Kholo Samuel Ntsokoane Matekane, Letona la Temo, Polokeho ea Lijo le Phepo e Nepahetseng Mohlomphehi Selibe Mochoboroane, Letona la Mobu le Temo la Botswana Dr. Edwin Gorataone Dikoloti.

Puong ea hae Tona-Kholo Matekane o ile a leboha 'Muso oa Botswana ka thuso ena, a re ke sesupo sa setsoalle, bonngoe le tšebeliso 'moho e matla lipakeng tsa linaha tsena tse



soleseling le taolo ea mot-samao oa liphoofole.

O boetse a re Lesotho le Botswana li lokela ho sebelisa boiteko ba ho loantša lefu lena e le monyetla oa ho tebisa tšebeliso 'moho tlhahisong ea liphoofole, koetlisong ea litsebi tsa bophelo ba liphoofole, lipatlisiso, phetisetso ea mahlale le matsete.

Letona la Mobu le Temo la Botswana Dr. Edwin Go-

Lesotho, ka lebaka la kama-no e haufi lipakeng tsa mafapha a leruo la liphoofole le bophelo ba batho ba linaha tsena tse peli. O hlalositse BVI e le setsi sa 'Muso oa Botswana se nang le boiphilelo bo boholo tlhahisong ea liente tsa liphoofole tse sebelisoang Afrika le libakeng tse ling.

Leha ho le joalo, Dr. Dikoloti o hlalositse hore ho enta feela ha hoa lekana ho laola

tlhahisoleseling lipakeng tsa mafapha a tsona li thusitse ho arabela liqholotso tse amang lekala la temo.

Mochoboroane o itse thuso ena ea liente e tsamaea le tšebetso ea botsebi, 'me e lokela ho nkoa e le monyetla oa ho aha bokhoni bo ntlafetseng ba litsebi bakeng sa taolo e sebet-sanang le mafu, eseng feela ho amohela liente. O kopile tšebeliso 'moho e

belisoa ka nepo boitekong ba Lesotho, ba ho laola lefu lena le ho sireletsa bophelo le mekhoha ea boipheliso ea lihoai.

Ho sa le joalo, Mookameli e Moholo oa BVI Dr. Keabetswe Moagabo, o itse setsi sena se ntse se ikemiselitse ho tšehetsa tšireletseho ea bophelo ba liphoofole, le ho sireletsa mekhoha ea boipheliso e itšetlehileng ka leruo la liphoofole tikolohong.

O itse liente tse fuoeng Lesotho li khethiloe ho ipapisitsoe le mefuta ea lefu lena e ntseng e potoloha tikolohong, 'me li hlalositsoe tlas'a mehato e thata ea netefatso ea boleng.

BVI e boetse e fana ka thuso ea botsebi, tlhahlobo ea hore na ente e lumellana le mofuta oa lefu, liteko tsa tlhahlobo ea mafu, le tšebetso ea tsamaiso ea serame, ho netefatsa hore liente li lula li le maemong a nepahetseng ho tloha ha li etsoa ho fihlela li fihla liphoofolelong.

Dr. Moagabo o itse BVI e sebelisana le Lesotho ho tloha ha lefu lena le fuma-



ahisaneng.

O itse lefu la tlhaku le molomo e ntse e le qholotso e kholo ho lihoai tseo bophelo ba tsona bo itšetlehileng ka leruo la liphoofole, 'me a re thuso ena e fihlele ka nako e nepahetseng ho matlafatsa boiteko ba naha ba ho laola lefu lena.

Tona-Kholo o itse mafu a liphoofole a hloka tšebeliso 'moho ea linaha tsa tikoloho, haholo-holo tabeng ea ho lekola le ho lemoha mafu, ho enta liphoofole, litšebeliso tsa bongaka ba liphoofole, lipatlisiso, phapanyetsano ea tlhahi-

rataone Dikoloti, o itse thuso ena ha se feela nehelano ea liente, empa ke pontšo ea setsoalle, bonngoe le tšebeliso 'moho e sebet-sang lipakeng tsa Botswana le Lesotho.

O itse lefu lena ke le leng la mafu a tebileng haholo a liphoofole a tšelang meeli, a amang tlhahiso ea leruo la liphoofole le polokeho ea lijo, a sitisang motsamao oa liphoofole, a ama ho fihlela mebaraka le ho eketsa moralo ho lihoai le litšebeliso tsa bongaka ba liphoofole.

Dr. Dikoloti o itse Botswana e nkile qeto ea ho thusa

lefu lena. O itse ho lokela ho tsamaea le ho lekola mafu ka katleho, taolo ea motsamao oa liphoofole, tšebeliso e nepahetseng ea liente le tlhokomeliso e tsoelang pele sechabeng.

Letona la Temo, Kanetso ea Lijo le Phepo e Nepahetseng Mohlomphehi Salibe Mochoboroane, o itse o leboha Naha ea Botswana ka ho ba inola maemong a boima, haholo ha ho sena bophelo ka thoko ho liphoofole. O itse linaha tsena tse peli li ahile likamano tse matla, 'me tšebeliso 'moho le phapanyetsano ea

tebileng lipakeng tsa Lesotho le Botswana tlhahisong ea liphoofole, le ho tseba moo liphoofole li tsoang teng, ho lokiseng lihlahisoa tsa liphoofole ho eketsang boleng, mebarakeng le khoepong.

Mochoboroane o boetse a re linaha tsena li lokela ho phethela Tumellano ea Tšebeliso 'Moho mabapi le litaba tsa temo, e le hore menyetla ena e fetoloe mananeong a sebet-sang a tla tsoela lihoai tsa linaha tsena ka bobeli molemo. O tiiselitse Botswana hore liente tse fanoeng li tla se-

noa ka Hlakola 2026, ho kenyeletsa ho thusa lihlopha tsa botsebi ka pokello ea liteko le boiteko ba ho enta liphoofole. O hlalositse thuso ena e le qalo ea tšebeliso 'moho ea nako e telele mabapi le tšireletseho ea bophelo ba liphoofole, eseng thuso ea nako ena feela.

Lefu la tlhaku le molomo (FMD) ke lefu le tšoaetsanoang haholo la kokoana-hloko le amang liphoofole tse nang le tlhako e arohaneng, ho kenyeletsa likhomo, linku, lipoli le likolobe.

'Ba sebetsang kantle ho naha ba fuoe monyetla'

Nthabeleng Seithleko

Lesotho le lokela ho nka Basotho ba phelang linaheng tse ling e se batho ba romellang malapa chelete feela, empa le ba bone e le balekane ba bohlokoa ntlafatsong ea naha, kholo ea likhoebo le phetiso ea mahlale le litsebo.

Taba ena e ne e le sehlohlolong sa kopano ea ho netefatsa National Diaspora Remittances Investment Framework, e neng e tšeroe ke Lekala la Lichelete le Meralo ea Ntlafatso ka tšebetso ea litsebi tsa United Nations Economic Commission for Africa (UNECA), ka la 18 Phato monongoa-ha.

Motsamaisi oa Litaba tsa Lekala la Lichelete Le-fapheng la Lichelete le Meralo ea Ntlafatso, 'Maseiso Lekholoane, o itse chelete e romelloang ke Basotho ba phelang kantle ho naha e ntse e le karolo e kholo ea moruo oa Lesotho.

O hlalositse hore ka 2024 Basotho ba phelang linaheng tse ling ba rometse naheng chelete e ka bang US\$475Millione, e leng hoo



e ka bang 21% lekholong ea Sehlahisoa sa Lehae sa Sechaba (GDP) ea naha.

Ho ea ka eena, sena se bontša bohlokoa ba Basotho ba phelang kantle ho naha moruong oa naha, hape se bontša tlhokahalo ea hore Lesotho le thehe mekhoe e tla thusa ho lebisisa karolo e kholoanyane ea chelete ena matseteng a hlalisang molemo oa nako e telele.

O itse moralo o reriloeng o ikemiselitse ho theha tikoloho e pepeneneng, e

sebelisang marang-rang le e nolofalitsoeng, e tla etsa hore ho be bonolo ho Basotho ba phelang kantle ho naha ho tsetela Lesotho.

O boetse a re sepheo ke ho etsa hore Basotho ba sebetsang linaheng tse ling e be mohloli oa bohlokoa oa lichelete tsa ntšetsopele, eseng feela oa tšebetso ea malapa.

Ha a bua kopanong ena, Moemeli oa Machaba a Kopaneng Lesotho, Taija Kontinen-Sharp, o itse phallo ea batho e se e le karolo ea

bohlokoa ea moruo oa Lesotho, kaha batho ba fetang 99 lekholong ba fallelang linaheng tse ling ba fallela Afrika Boroa.

O hlokometse hore mokhoa ona o ama haholo bacha le Basotho ba rutehileng, 'me 46% lekholong ea batho ba baholo ba kile ba nahana ho tloha naheng ena ho ea batla menyetla ea mesebetsi.

Kontinen-Sharp o itse Lesotho ke e 'ngoe ea linaha tse itšetlehileng haholo ka chelete e romelloang ke

batho ba phelang kantle ho naha lefatšeng, ka hona ho bohlokoa ho theha mekhoe e tšepahalang e ka fetolang phallo ea batho le chelete ea bona hore e be ntšetsopele ea nako e telele.

O tiisitse hore tlhokomelo e lokela ho tloha feela tabeng ea ho eketsa chelete e kenang naheng, ho ea ho theheng tikoloho eo Basotho bana ba tla ikutloa ba sireletsehile ebile ba tšepile ho tsetela Lesotho.

"Monyetla o ka pel'a Lesotho ke ho tloha bokhoning ba phallo ea batho ho ea ho maano a hlakileng le a ka kenngoang tšebetsong," o boletse joalo.

O boetse o totobalitse bohlokoa ba tšebeliso e ntlafatseng lipakeng tsa Lekala la Lichelete le Meralo ea Ntlafatso, Lekala la Litaba tsa Machabang, ho naha le balekane ba machaba ho matlafatsa kamano lipakeng tsa motsamao oa batho le ntšetsopele.

Ofisiri ea Litaba tsa Moruo le Mohlanka oa UNECA bakeng sa Afrika Boroa, Mzwanele Mfunwa, o itse moralo ona o tla shebana le mekhoe ea taolo, liitsi le lichelete e ka sebelisoang ho sebelisa chelete ea bona molemong oa ntšetsopele ea naha.

O itse sena se kenyelletsa ho matlafatsa tšireletso ea matsete, ho theha mafapha a ikarabellang ho Basotho bana, ho hlophisa hantle mekhoe ea ho romella chelete le ho hlalisa lisebelisoa tse ncha tsa lichelete.

Mfunwa o ekelitse hore tšebetso ena e tla hlalisa le 'mapa oa liphetoho o tla ba le lintlha tsa bohlokoa tsa tšebetso, mesebetsi ea bankakarolo, liketso tse lokelang ho nkuoa le matšoao a tla sebelisoa ho lekanya tsoelo-pele.

O itse litaba tsa phallo ea batho le chelete ea bona li lokela ho kenngoa mererong ea ntšetsopele ea naha le ea libaka, li tšehetsoa ke pokello ea lintlha tse betere le lisebelisoa tse ka sebelisoang habonolo.

Ho sa le joalo, Ofisi ea UNECA ea Afrika Boroa, e tšehetsang linaha tse 11 tsa litho ho kenyeletsa Lesotho, e fana ka thuso ea botsebi ho matlafatsa moralo ona.

LNDC le eona e lebelletsoe ho kenya letsoho ho hokahaneng le Basotho bana, haholo litabeng tsa khoebo le matsete. Mekhatlo ea machaba ea lichelete le eona e ka tšehetsa morero ona, ka ho fana ka mekhoe ea ho fokotsa likotsi le ho matlafatsa menyetla ea ho fumana likalimo.

Masepala o fa Basotho tsebe

Nthabeleng Seithleko

Basotho ba fane ka maikutlo a bona mabapi le melaoana e 'maloa e sisintsoeng, e bile e reretsoeng ho ntlafatsa tsamaiso, taolo le bohloeki toropong ea Maseru. Tsena li bile ka la 17 Phato monongoa-ha.

Melaoana ena e sisintsoeng ke Lekhotla la Motse oa Maseru (MCC) e ama litaba tse fapakaneng, ho tloha tšebeliso ea koae libakeng tsa sechaba le bohloeki ho isa tšebetsong ea mabenkele a rekisang joala, mangolo a tumello ea khaho, meaho ea nakoana le tlhahlobo ea likhoebo khafetsa.

Har'a litlhaliso tse entsoeng ke sechaba ke hore ho thehoe libaka tse khetheleng tseo batho ba ka tsubelang ho tsona kahar'a motse. Ba bang ba boetse ba kopile hore ho be le libaka tse khetheleng tsa ho etsa sekotlo sa monna, ho thusa ho rarolla mathata a bohloeki libakeng tsa sechaba.

Mabapi le taolo ea mabenkele a rekisang joala, Basotho ba bang ba khothalelitse hore mabenkele a joalo a

haufi le likolo a tlosoe, ha ba bang ba sisintse hore a kenngoe meaho e thibelang molumo, ho fokotsa lerata le litšitiso tse amang baahi ba libaka tse haufi.

Sechaba se boetse se batla hore MCC e matlafatse taolo ea mesebetsi ea khaho, e le hore ho se be le motho ea lumelloang ho aha ntlo ntle le ho fumana lengolo la tumello.

Ho boetse ho sisintsoe hore ho be le melao le taolo e hlakileng mabapi le libaka, maemo le mekhoe e lokelang ho lateloa ha ho ahoa meaho ea nakoana kahar'a motse.

Tlhaliso e 'ngoe ke hore mabenkele le libaka tse ling tsa khoebo li hlalohoe khafetsa ho netefatsa hore li latela litekanyetso le melaoana e behiloeng.

Mokhoa ona oa ho bokella maikutlo a sechaba o fa baahi monyetla oa ho hlalisa maikutlo, le likhothaletso pele melaoana ena e phethoale ho amoheloa.

Litlhaliso tsena li tla nakhong eo motse oa Maseru o ntseng o tobane le liqholotso tse amanang le moralo oa litoropo, bohloeki ba sechaba, khaho e etsoang ntle le tumello e nepahetseng, tšilafalo ea lerata le ho se ikobebe melao ke likhoebo.



'Polokeho ke boikarabello ba bohle'



Tšeliso Thakholi

Mongoli e Moholo oa Lekala la Mesebetsi e Mehola le Lipaloangang, Mofumahali Tšepang Koele o re polokeho ea mebileng ke boikarabello ba motho ka mong, 'me Lekala la habo le tla tsoelapele ho sebetša ka thata le tlamahane le balekane ba lona tšebetsong ho ntlafatsa polokeho mebileng, le ho fokotsa likotsi tse ka thibeloang. Litaba tsena o li buile h'a koala ka molao 'moka oa letsatsi le le leng oa letšolo la 'Tseba kolo ea hao,' o tšoaang khoeli ea Mosali oa Moafrika o bileng Sekolong se Phahameng sa Holy Trinity, Quthing, mafelong a beke a tsoa feta.

A re lipalo-palo li bontša hore letsatsi ka leng hona le motho a le mong ea lahleheloang ke bophelo mebileng. "Taba eo e lokela hore e lule ka lihloohong tsa rona hore ha re qhoba likoloi tsa rona, re ka 'na ra kopana le kotsi ho sa khallehe hore na re ho kae." O bo-

letse joalo a bile a eketsa ka hore Lekala la habo le fuoe boikarabello bo bohlo ba ho fana ka thuto

mona feela, empa le ise malapeng, mesebetsing le sechabeng ka kakaretso." Ke Koele eo.



ho sechaba ka tšebeliso ea kolo le ho ipaballa ha ba le kahare ho eona.

A supa hore bohlokoa ba letšolo lena ke ho matlafatsa basali ka litsebo tsa likoloi tsa bona le polokeho mebileng. A ipiletsa ho basali bohle ba bileng teng 'mokeng ona ho sebelisa litsebo tseo ba hlahlelletsoeng ka tsona molemong oa bona le oa basebelisi ba bang ba tsela. "Re nke maeto a bolokehileng, etsoe ho ipaballa ho molemo ho feta setlhare, 'me tsebo eo le e fumaneng e se ke ea fella Quthing

A qetella puo ea hae ka ho hlokomelisa basali ho tseba likoloi tsa bona, ho a hlokomela, ho sire-

letsa bophelo ba bona le ba basebelisi ba bang ba tsela, "etsoe polokeho mebileng ke boikarabello ba batho bohle."

Morupeli oa Bahlahlobi ba Likoloi ho tsoa Lefapheng la Boipaballo Mebileng, Mofumahali 'Malitšitso Ntlama o boletse hore basali ba lokela ho matlafatsoa ka litsebo tse tla ba thusa ho tseba tsohle ka likoloi tsa bona, kaha sena se tla ba thusa ho sebelisa litsela ka polokeho le ho ba baqho-bi ba hlokolosi. A boetse a re ho matlafatsoe melao ea tsela e tla thusa ho laola boitšoarō ba baqho-bi. A tiisa hore basali

ba iphelisang ka tsona.

Lebitsong la basali ba bileng teng 'mokeng ona, Mofumahali 'Maretšepile Tieli o lebohile Lekala la Mesebetsi e Mehola ka Lefapha la Boipaballo Mebileng ka lithuto tsa bohlokoa tseo ba hlahlelletsoeng ka tsona, tse kenyeletsang har'a tse ling ho tseba kolo ea hao le ho e hlahloba pele motho a kena leetong e le ho qoba likotsi le ho baka mafu a mangata ho sa hloka hahle. A phethela ka hore litsebo tseo ba seng ba ena le tsona li tlii'o hlakola maikutlo a batho ba bangata a hore basali ke bona ba bakang likotsi tse ngata mebileng empa ho se joalo.

Letšolo lena le reretsoe har'a tse ling tse ngata ho fa basali tsebo ea mantlha mabapi le likoloi tsa bona, tlhokomelo ea tsona le mehato eo ba lokelang ho e nka ha ba hlaheloa ke mathata kapa boemo ba tšohanyetso ba ntse ba qhoba. Ka hona moqhobi ea tsebang kolo ea hae o tseba ho lemoha liphetho tse sa tloaelehang ha li etsahala, 'me a ka nka khato e nepahetseng ea ho thibela kotsi pele e etsahala.



WIDE FORMAT PRINTING

We offer durable, affordable & quick turnaround wide format prints. We can provide multiple options for indoors and outdoor applications - as well as produce any size you can imagine

FOR YOUR FUTURE WE CARE

BANNERS
SIGNS
POSTERS
PRINTS

Call or whats App: +266 28350815/
22350224/ 68078124 (Whats app)

Mazenod PRINTING WORKS (Pty) Ltd
Prepare good People for The Lord



TSA KEREKE

Mopapa Leo XIV o rapella Colombia

2025-2026 SELEMO A

SONTAHA SA 21 HAR'A SELEMO

Tšeliso Thakholi

Mopapali Leo XIV o fane ka melaetsa ea matšelisano le ho rapella ka mokhoa o khethehileng thapelo ea Angelus le Rosari e Halalelang bafu ba 150, le mahlatsipa a koluoa e matla ea ho sisinyeha ha lefatše ho otlileng likarolong tse ling tsa Naha ea Colombia, moo malapa a baloang ka makholo-khola a setseng lepala-paleng ka lebaka

hape libaka tse 'maloa tsa Colombia le ho baka likotsi tse ngata le tšenyoyea thepa, 'me o ntse a tsoelapele ho rapella ka mokhoa o ikhethang thapelo ea Rosari e Halalelang bakeng sa bahai bohle ba Naha ea Colombia, empa haholo-holo ba tsoileng likotsi hore Morena Molimo a ke a ba fumantše pholo e potlakileng hohle moo ba leng teng. O boetse o rapella le ba ntseng ba e-s'o fumanoe hore Morena a ba haeletse ka letsoho la hae le mofuthu

tiisetse sechaba sohle se tlokotsing hore ka thapelo o ntse a le haufi le bona ka linako tsohle.

Tšitšinyeho ena ea lefatše e tlalehoa e otlile bohola ba 7.4 ka bophirima ho Naha ea Colombia, 'me har'a likereke tse khola tsa naha eo tseo e li sentseng ke neo-Gothic le kereke ea Mofumahali oa Rosary e Tikolohong e Khola ea Manizale e peperaneng le litora tsa eona tsa bolelele ba 390m liputlameng.

-Vatican News-



la tšenyeha ea matlo e kenyeletsang le likereke tse ngata tsa naha eo.

Ho ea ka molaetsa o lebisitsoeng ka kotlolo ho mookameli oa Seboka sa Babishopo ba Kereke e Katholike Colombia, Mobabatsehi Francisco Javier Munera Correa ICM, Rabalumeli o fetiselitse matšelisano a hae a tsoang botebong ba pelo ka Mohalaleli oa hae Leo XIV, le ho rapella bohle ba mesarelong, nakong ena e mahlonoko ea ho lahlehela ke bang ka bona le baratuo ba bona.

Molaetsa o re Ntate ea Halalelang o utloile bohloko haholo ke tšitšinyo ea lefatše e ammeng

ho fihlela ba fumanoe ba bile ba kopane le ba malapa a bo bona.

A thoholetsa le ho leboha bahlanka bohle ka mafapha a bona a fapakaneng a pholoho, ba ntseng ba etsa mosebetsi o matla oa boapostola oa ho batla le ho pholosa mahlat-sipa a koluoa ena har'a maloang-loahla a tšabehang a mehaho e meholo e putlameng. A boela a leboha le ba boholong ba emeng ka maoto ho lekola likotsi le tšenyoye bakiloeng ke liketsahalo tsena tse shebaneng haholo, le 'masepala oa San Jose del Palmar e leng hona moo koluoa ena e hlileng ea otlala ka matla a maholo. A qetella ka ho

Thapelo ea Khotso

Oho Molimo oa toka le khotso, re hlonoletse rona baahi ba Lesotho, 'me u re thuse ho phela khotso le leratong la hao.

"Morena, nketse mosebetsi oa khotso ea hao. Moo lehloeo le leng teng, ke jale lerato. Moo batho ba fosetsaneng, ke jale tsoarelo. Moo lipelaelo li leng teng, ke jale tumelo. Moo batho ba nyahameng pelo, ke jale tšepo. Moo lefifi le leng teng, ke tlise leseli, Moo masoabi a leng teng, ke jale thabo. Molimo oa ka, etsa hore Ke se ipatlele ho tšelisano, ke mpe ke tšelisano ba bang. Ke se ipatlele ho utloisisano, ke mpe ke be ea utloisisano ba bang. Ke se ipatlele ho ratoa, e mpe e be 'na ea ratang ba bang, Hobane ke ka ho fana, re fumanang, ka ho tsoarela, re tsoareloang. Ka ho shoa, re tsoalloang bophelo bo sa feleng.

Amen."

Isaia 22:19-7

Pesalema 66

Ba-Roma 11:16

Matheus 16:13-20



Khothatso



Boipolelo ba tumelo ba Peterosi

Lithuto tsa kajeno li khothaletsa ho nchafatsa tsebo ea rona holim'a Kereke, le ho ikhopotsa litšoanelo tsa rona mabapi le bana babo rona bakriste ba likereke tse ling.

Jesu, Mora oa Molimo o n'a ikele botho e le hore batho bohle ba tle ba fetohe bana babo majalefa a 'muso oa sa feleng oa leholimo. E le hore ba phethe mosebetsi oa hae lefatšeng, a hloma Kereke, ke hore Kopano ea balumeli ba hae le balateli ba hae, e thehiloeng holim'a baapostola ba leshome le metso e 'meli. Kereke ena ea hae ke sona sechaba se secha sa Molimo, se nkang sebaka sa sechaba sa Israele, se neng se thehiloe ka meloko e leshome le metso e 'meli ea bara ba mopatriareka Jakoboa.

Kereke e thehiloeng holim'a baapostola ba Kriste e lokela ho kopanya ka ho eona bakriste ba merabe eohla ea lefatše, 'me erekaha sepheo sa eona e le ho fihlisa moaletsano oa pholoho ho batho bohle, e tsoanetse ho ba teng ho fihlela bofelo ba lefatše.

Kereke ke kopano ea batho, empa e hlomile ke Kriste, Mora oa Molimo ka sebele. Kereke ke kopano e sebitsang lefatšeng, empa sepheo sa eona ke ho fihlisa batho leholonolong la leholimo. Ka baka la boikarabello bona bo bohola bo behiloeng ke Kriste matsong a eona, Kereke e lokela ho tseba hantle hore seo e se rutang batho ka eona 'nete eohle e rutoang ke Molimo, le seo e se laelang batho ho se etsa ke eona thato ea Molimo.

Evangelii ea kajeno e re hlalose kahoo Kriste a neng a fe kateng Kereke ea hae mats'oano ana a 'nete le botšephehi. Ka ho beha Peterosi ho ba hlooho ea baapostola ba bang le lejoe la motheo la Kereke, Kriste o tiisitse hore o tla mo fa linotlolo tsa 'muso oa maholimo, 'me tsohle tseo a tla li tlama kapa a li lokolle li tla tlangoa kapa li lokolloe le maholimong. Ka mantsoe ana, Kriste o n'a fa Peterosi matla a ho ruta a sa fose.

Erekaha Kereke e tla ba teng ho fihlela bofelong ba lefatše, mats'oano ana a 'nete le botšephehi a filoe le bahlahlami ba Peterosi. Ha re lumela se rutoang ke Kereke, 'me re etsa se laoloang ke eona, re tseba hore re lumela kapa re etsa se batloang ke Molimo.

Kriste o n'a hlome Kereke e le 'ngoe feela, 'me thapelong ea hae mohlala sellallo sa qetelo, a rapella bonngoe ba eona, bonngoe ba balumeli bohle, bonngoe ba bakriste. Ka bomalimabe, mehleng ea kajeno, re bona likereke tse ngata, likopano tse ngata tsa balumeli ba ipitsang ka mabitso-bitso, tse tsamaisoang ke balisa ba bangata ba rutang lithuto tse sa tsoaneng, tse behang melao e fapaneng, tse sebeletsang Morena Molimo ka litšebeliso tsa mofuta-futa. Leha ho le joalo, bohle ba ipitsa bakriste. Ke eona khopiso e khola, e soabisang Morena Molimo. Mohlape oa Kriste o arohane, athe thato ea hae ke hore mohlape o be mong le molisa a be mong feela.

Seo re tsoaelang ho se etsa ke ho itsoarella ka mantsoe a Jesu ea ratileng ho hloma Kereke e le 'ngoe e thehiloeng holima Peterosi. 'Me re lumela hore Kereke ea Jesu ke eona e tsamaisoang ke mohlahlami oa Peterosi, Morena Papa.

Seo re tsoanetseng ho se lumela ke mantsoe a Jesu ha a re ho Peterosi: "Ke u neha linotlolo... Tsohle tse u tla li lokolla li tla lokolloa, tsohle tseo u tla li tlama, li tla tlangoa le maholimong." Ea nang le linotlolo ke ea nang le matla ntlong, hobane ke eena feela ea ka bulang a ba a koala.

Seo re tsoanelang ho se etsa ke ho rapella bonngoe ba bakriste. Ha re ka rapela ka tumelo le phehello, Kriste o tla utloa thapelo ea rona, hobane o rata hore mohlape oa hae o be mong. Re hlonephe bana babo rona ba likereke tse ling, re ba rate ka lerato ka sekriste, leha re sitoa ho lumellana le bona nthong tsohle. Ha re na tokelo ho ba ahlola, hobane mohlomong ha ba na leseli leo re nang le lona. Re ba kopela leseli lena ho Moea oa Halalelang. Re se ke ra ba eisa 'me re tsebe hore ba ratoa ke Kriste ea ratang ka lerato le khethehileng linku tsohle tsa lesaka la hae, haholo tse kulang, tse fokolang kapa tse lahlehileng.

Ha e le ho kopanela litšebeliso le bana babo rona, re sa sitoa ho etsa joalo hobane, leha re lakatsa ka takatso e khola bonngoe ba bakriste, bonngoe bona bo tsoanetse ho thehoa holim'a letlapa le tiileng la 'nete, e seng holim'a lehlabathe la tumellano e potlakileng e ke keng ea tiea.

Baokameli ba likereke tse ling, ba nang le moea ona oa Kriste, ba se ba qailile ho buisana hore thato ea Kriste e phethoe, 'me linku tse qhalakaneng tsa mohlape oa hae li khutlisetsoe bonngoe ba tumelo, tsamaisong ea molisa ea molemo. Seo re lokelang ho se etsa ke ho rapela ka matla hore letsatsi lena la poelano ea bohle bonngoe le 'neteng le potlake ka matla a Kriste, hobane ke eena Kriste feela ea ka atlehisang morero ona o moholo oa bonngoe o hlotseng batho, 'me o ntseng o ba hlola le kajeno.

A re rapeleng Peterosi le baapostola ba bang bohle hore ba re buelle ho Kriste, Molisa ea molemo, hore mohlape oa hae o t'f'o be mong, tlas'a molisa a le mong.

Bahalaleli har'a Beke

24	Phato	Ouen
25	Phato	Menas
26	Phato	Elias
27	Phato	Monica
28	Phato	Hermes
29	Phato	Sabina

Lijabatho e chorisa linaka



Tšeliso Thakholi

Bompoli ba bacha ba Liki e Kholo ea Vodacom, Lijabatho 'Mahala' ba phethetse lipapali tsa bona tsa ho itokisetsa lipapali tsa machaba tsa Mohope oa CAF Champions League le tsa liki tse tliil'o thakhoha mafelong ana a beke, ka

ho bapala lipapali tse tharo tsa setsoalle le lihlopha tsa Township Rollers le Botswana Defence Force XI lebaleng la Gaborone United naheng ea Botswana ka la 13 ho isa la 15 Loetse monongoaha.

Ea tšoereng molepo e le Raliphatlatso oa sehlopha sa Lijabatho Tankiso Moletsane o hlalositse hore lipapali tsena tse tharo li ne li reretsoe ho chorisa sehlopha sa Lijabatho, ha se tla be

se simolla mokhahlelo oa pele oa Liki e Kholo ka ho amohela sehlopha se secha liking sa Mzamane ka Moqebelo mafelong ana a beke, 'me ebe ka la 12 Loetse monongoaha se bapala le sa CFFA ea Madagascar litlholisano tsa machaba tsa Mohope oa CAF Champions League 2026.

"Sehlopha se nepahetse haholo ho ba haesale re qala boitokiso ba rona re ntse re le joalo. Sehlopha

seo re nang le sona e sa le se le joalo hobane rona re hliile ra tekana le ho tek-enolla libapali khale haholo. Libeke tse tšeletseng re li qetile re ntse re le joalo, 'me sehlopha seo re se tšoereng ka 'nete ha kena letsoalo ho hang, hobane re ntse re tšoare libapali tse nang le boiphihlelo lipapaling tsa machaba tse kenyeletsang har'a tse ling, Lehlohonolo Fothoane, Jane Thabantšo, Tšotleho Jane le Tumelo Khutlang." Ke Moletsane eo.

O re lipapali tsa pele tsa setsoalle tseo ba ileng ba libapala kahare ho naha e bile ea Members, moo ba ileng ba e sasara ka thupa e bohloko ea 1-0. Papali ea bobeli ba ile ba khakha-tha Manonyane 8-1, ha ea ho qetela ba ile ba halala Machokha ka ho e pola ka phafa ea 5-0. O re taba ena e hliile ea khotatsa bakoetlisi, batsamaisi le batšehet-si ba sehlopha, kaha e ne e se e ntse e le letšoao le bontšang hore bahlankana ba ikemiselitse ho ea se-betsa ka thata lipapaling tse Mohope oa CAF Champions League, ho tlela Basotho le Lesotho tlhoho.

O re haele lipapaling tse-

na tsa ho qetela tseo ba libapetseng naheng ea Botswana tseo ba neng ba koala boitokiso ka tsona, e ne e le moo sebakali ka seng se neng se itšupa ka lebaleng hore na e hliile se ikemiseli-tse ho sebetsa ka thata ha kae lipapaling tse tlang. "Ka mokhoa o tšoanang re khot-sofetse haholo ke tsela eo bahlankana ba bapetseng ka teng lipapaling tsena tsa ho qetela tsa boitokiso, ho ba papaling ea pele ba ile ba hlola Township Rollers ka 3-2. Lintlha papaling ena li ile tsa hlajoa ke Jane Tabantšo, Lehlohonolo Fothoane le Tšotleho Jane." A rialo.

A supa hore papaling ea bobeli e neng e hliile e she-biloe ka leihlo le nchocho e leng moo e mong le e mong a neng a hliile a itšupa matla a hae, BDF XI e ile ea tsoa ka lesoba la nale ha e ba hlola ka 1-0. Athe papaling ea ho qetela e neng e koala boitokiso ba ile ba pitiki-sa mahe(0-0) le BDF XI. A bontša hore maikemisetso ke ho ea tšoara ka thata ho feta pele. "Ka Moqebelo re tla be re amohela sehlopha se secha Liking sa Mzamane, 'me e hliile re tliil'o bula liki ka sona, kaha le monongoaha morero e ntse e le ho sireletse Mohope oa Liki." Ke eena eo.

Maseru DISCUSS e khetha komiti e ncha

Tšeliso Thakholi

Mokhatlo oa Maseru oa Papali ea Senuka(Maseru DISCUSS) o bile le 'moka o akaretsang oa selemo moo o neng o il'o fana ka litlaleho tsa selemo sa lipapali se fetileng le ho khetha komiti e ncha e tla nka lilemo tse 'ne. 'Moka ona o ne o tšoaretsoe Ha Abia, Maseru, ka la 15 Phato monongoaha.

Puisanong le setho sa papali ea Senuka sa Komiti e Kholo ea Naha, Monghali Nazar Surtie, o itse litho li khethile Monghali Lekhooana Lekhooana ho hlaha sehlopheng sa Monneng e le Molula-Setulo e mocha oa Maseru DISCUSS, motlatsi oa hae ke Monghali Liphoho Motjope ho tsoa sehlopheng sa Sekoele ha Mongoli e mocha oa mokhatlo e le Mofumahali Mamello Ramolula ho tsoa ho Ghetto Invaders Pool Club(GIPC).

A re Mofumahali Ramolula o tlatsitsoe ke Monghali Thabelo Mahooana oa LDF Pool Club, Ramatlotlo ke Monghali Kabelo Lekhatla ho tsoa sehlopheng sa

Mookoli, ha setho moeletsi e le Monghali Ramonene Nkhahle oa KTA Pool Club. A bontša hore litho tse neng li le teng li boetse tsa khetha Monghali Sehloho Makione hore e be eena Raliphatlatso oa mokhatlo.

Likhetho tsena li tlahoea ke Monghali Surtie e bile tse atlehileng haholo tse bileng li nang le ponaletso. Tebelo e kholo ea lihlopha tsa

papali ea Senuka, barati le batšehetsi ba eona ke hore komiti e ncha e tliil'o sebetsa ka matla a maholo ho holisa papali kahare ho naha, ho matlafatsa melao e tsamaisang papali, le ho sebeletsa ka tsela e nang le ponaletso litaba-tabelo tsa lihlopha le libapali kaha karolo e kholo e bopiloe ka tsona.

Komiti e boetse e lebeletsoe ho tla rarolla a mang a

mathata a bakoang ke lihlopha tse ikhulang kahare ho liki e ntse e bapala, kaha sena se ama lipapali. Komiti e lebeletsoe ho tsosolosa ka matla a maholo litlholisano kahare le kantle ho naha e leng se ka phahamisang papali ea Senuka haholo. Khetho ea komiti ena e lebeletsoe har'a lintlha tsena tsa bohlokoa hore e sebetse ka thata ho bona hore lipa-

lo tsa banana le basali lia e ketseha kahare ho papali ea senuka le ho ba le mabala ao e leng a mokhatlo.

Ho sa le joalo, Molula-Setulo e mocha Monghali Lekhooana Lekhooana o lebeletsoe hore o tla lula 'moho le komiti ea habo haufinyane, ho etsa maano a tšebetso a tlang ho ntlafatsa papali ea Senuka kahare ho naha.



LBA e tšoara Four Nations Tourney



hophiso li se li hatetse pele haholo tsa hore mokhethoa ona o tle o be le boikoetliso, moo libapali li tla ke li lule 'moho e le hore li tsebane, empa sena se tla laoloa haholo ke maemo a lichelete a mokhatlo. Tšepo ke hore ba tla sebetsa hantle ho phahamisa folakha ea naha.

Puisanong le ba bang ba libapali tsa mehleng tsa papali ea Basketball ba hlalositse ba thabetse litlholisanano tsena haholo tse tlii'o tsoareloa Lesotho. Ba re boithutong ba bona ba hlokometse hore lihloka tšehetso e matla ho tsoa ho sechaba sa Basotho, e le hore libapali li tle li tsebe ho sebetsa hantle. Ba bontšitse hore mokhethoa ona o bopiloe ka libapali tse nang le boiphihlelo papaling ea Basketball, empa ba hloka hore ba ke ba kopane le ho koetla 'moho bonyane libeke tse peli pele lipapali tsena li qala. Ka hona ba ipiletsa ho sechaba ho etsa letsoho la mona.

Tšeliso Thakholi

sa le e bapaloa boemong ba machaba selemo le selemo le ho keneloa ke linaha tse 'ne tsa tikoloho ea Afrika.

Mokhethoa oa naha ea Lesotho o tlaehoa o le mala-la-a-laotsoe ho ka kopana le bo-mphato'a bona ho hlaha

linaheng tsa tikoloho ea Afrika, o bile o ikemiselitse haholo ho tla sebetsa ka thata ho tla sireletsa naha. Litl-

Mokhethoa oa libapali tse 16 oa papali ea Basketball o bopilong ka baroetsana ho tsoa lihlopheng tse fapakaneng tsa Liki ea Basketball, o hloauoe ho tla emela naha litlholisanong tsa boemo ba machaba tsa Mohope oa Four Nations Tournament, tse tlii'o tsoareloa kahar'a naha ea Lesotho ho tloha ka la 4 ho isa la 6 Loetse monongoaha.

Mokhethoa ona o tlii'o gothisana lehlokoa le linaha tsa Botswana, Eswatini, Afrika Boroa le Malawi boemong ba machaba o bopiloe ka libapali tse hlano ho hlaha sehlopheng se matla sa papali ea Basketball sa Lerotholi Polytechnic, tse hlano tsa NUL Rovers, tse 'ne tsa Bokamoso Dolphins, se le seng sa Dolphins le Bokamoso Sharks. Libapali tsena tsa naha tse 16 tsona ke Matheakoena 'Mabathoana, Kelumetse Moletsane, Nkhethuoa Makhorole le Nomaqala Maqala.

Ba bang ke Fikile Madonge, 'Mamahapa Masiilo, Nthatisi Moremoholo, 'Mamotlatsi Moshoeshe, Tšepiso Motloi, Karabelo Ntsitsi, Lebohang Palime, Qentšo Ramoseeka, Palesa Moshe, Palesa Matlole, Relebohile Phirieahae le Lebohang Palime.

Tlholisanano ena ea Four Nations Tournament e tlii'o tsoaroa, e hlaha e le eona e saleng e atlehile haholo papaling ea Basketball ho tloha haesale e qala, kaha e

Ba Beach Volleyball b'a ipabola

Tšeliso Thakholi

Libapali tse peli tsa banana tse bapallang Sehlopha sa Naha sa Papali ea Beach Volleyball, Neo Chapole le Moroesi Tolofi li ntlafalitse maemo a tsona lethathamong la Mokhatlo oa Afrika oa Beach Volley Ball(FBI), ka ho hlaha maemong a pele ka bobeli ba bona Tikolohong ea Afrika, ha boemong ba Mokhatlo oa Lefatše ba le maemong a bo-129.

Ha ba ipetlela tsela ea ho itlhomea pele Tikolohong ea Afrika bobeli bona bo qalile lipapaling tsa bona tsa mathomo tsa CAVB Zone

VI tse bileng Windhoek, Namibia ka la 21 ho isa la 22

ba neng ba bapala le tsona. Bobeli bona bo ile ba boela



Hlakola monongoaha, ka ho hlola lihlopha tsohle tseo

ba itšupa hore bona le talenta papaling ea Beach Volleyball ka ho bapala papali e tsoileng matsoho mokhahlelong oa bobeli oa lipapali tsa CAVB Zone VI tse bileng Mozambique ka la 13 ho isa la 15 Tlhakubele ka ho ikhapela tlhoho. Ka lebaka la tšebetso ea bona e ntle Naha ea Lesotho e ile ea tsebahala Afrika le lefatšeng ka kakaretso ka papali ea eona e ntle.

Ho sa le joalo, likhalatsena tsa Lesotho li kahar'a Sehlopha sa Naha sa Beach Volleyball se tlohileng Motse-Moholo Maseru, ka Sontaha sa la 16 Phato monongoaha, ho ea kenela

lipapali tsa Beach Volleyball tsa Mohope oa Continental Senior Championship tse tsoaretsoeng Cairo, Egypt ho tloha ka la 17 ho isa la 23 Phato. Ha likhalatsena li ka atleha ho hlola lipapali tsena ba tla etsa nalane ea ho phunyaletsa ho leba

lipapaling tsa Los Angeles LA2028 Olympic Games, kaha Lesotho le tla be le qala ho kenela lipapali tsa boemo bo holimo ha kalo.

Moifo oa Sehlopha sa Naha o seng o bapetse khahlanong le naha ea Morocco e seng eba shapile 2-0 papaling ea pele e thakholang litlholisanano tsena o bopiloe ka Neo Chapole le Moroesi Tolofi, mokoetlisi oa bona ke Moholo Lekomola ha mookameli oa sehlopha e le 'Maleteketsoa Sekhonyana. Tšepo e sa le teng leha ba se ba lahlehetsoe ke papali ea pele ea hore ba tla e hlanaka lipapaling tse ling tse hlahlamang.

